

Igitassanik eqqaasarneq pillugu Namminersornerullutik Oqartussat nalunaarutaat nr. 28, 17. september 1993-imeersoq Atuussimasoq (Historisk)

Avatangiisit innarlitsaaliorneqarnissaannik Inatsisartut peqqussutaanni nr. 12-imi 22. december 1988-imeersumi Inatsisartut peqqussutaatigut nr. 7-ikkut 13. maj 1993-imeersukkut allanngortinneqarsimasumi § 1, imm. 1 nr. 4, § 7, imm. 2 nr. 5, § 15 aamma § 46, imm. 2 tunngavigalugit makku aalajangersarneqarput:

Kapitali 1.

Atuuffissai il.il.

§ 1. Nalunaarummi matumani igitassanik eqqaasarnermi immikkut inatsisiliuunneqarsimanngitsumi malittarisassat aalajangersarneqarput.

§ 2. Igitassat suulluunniit eqqagassat aalajangersimasut pillugit nuna tamakkerlugu atuuttuunik immikkut maleruagassiaasut sukkuulluunniit atuuttut nalunaarullu manna malillugu kommunalbestyrelsip ilitsersuussineri malillugit eqqarneqartassapput.

§ 3. Illuutilittut isigineqassaaq kinaluunniit nunaminertamik pisortanit tunineqarsimalluniluunniit nunaminertamik nunatamilluunniit atuisinnaatitaasoq. Tamanna nunaminertani sanaartorfineqarsimanngitsuni igitassaqalerfiusimasumili aamma atuuppoq.

Imm. 2. Aamma illuutilittut isigineqassapput:

- 1) Inissianik inuussutissarsiornermut atorneqartunik, illuutinik inuussutissarsiornermut atorneqartunik nunaminertanillu inuussutissarsiornermut atorneqartunik attartortut atuisullu.
- 2) Inissianik illunillu najugassianik attartortut atuisullu.

Kapitali 2.

Innersuussisussaataaneq eqqaasussaataanerlu.

§ 4. Illuutilinnut kiisalu suliffeqarfinnut, suliffinnut il.il. igitassanik eqqaviusinnaasumik kommunalbestyrelsi innersuussisaaq. Eqqaavissatut innersuussutigineqartoq atorneqassaaq.

§ 5. Illoqarfinni nunaqarfinnilu tamani igitassanut makkununnga eqqaaviusinnaasumik kommunalbestyrelsi pilersitsisaaq:

- 1) igitassanut taakkununngalu assingusunut,
- 2) qimminut uumasunullu mikinerusunut allanut toqungasunut,
- 3) poortuutissanut ikuallajasunut ikuallajasuunngitsunullu,
- 4) ujaqqanut, issumut, ujaraqqanut, sanaartornermi atortussanut kiffiutissanullu allanut, aamma
- 5) saviminikunut.

Imm. 2. Eqqaaneq imatut pisinnaavoq:

- 1) Eqqaaveqarfimmi akuerisaasumi inissiinikkut.
- 2) Ikuallaavimmi akuerisaasumi ikuallaanikkut.
- 3) Nr.1-ip nr. 2-llu akuleriillugit atornerisigut.
- 4) Assigiinngitsutigut atueqqinikkut, imaluunniit qulaani taaneqartut ilaata ataatsip arlalilluunniit akuleriillugit atornerisigut.
- 5) Aaqqissuussineq Naalakkersuisunit akuerisaasoq alla atorlugu.

§ 6. Eqqaaneq suliffeqarfimmit tamakiisumik ilaannakortumilluunniit akuerisaasumit ingerlanneqarpat eqqaanerup kommunalbestyrelsimit ilitersuutigineqartut malillugit ingerlanneqarnera kommunalbestyrelsip nakkutigissavaa.

Imm. 2. Eqqaanermik aaqqissuussinerit kommunimit ingerlanneqanngitsut eqqaaneq pillugu paasisutissanik tamanik tunniusseqqullugit kommunalbestyrelsip naalakkersinnaavai, matumani igitassat kommunip suliffeqarfiillu ataasiakkaat katersortitaanit tiguneqartartut suussusii amerlassusiilu ilanngullugit.

Kapitali 3.

Katersuinerit aaqqissuunneqarneri.

§ 7. Sanaartorfiusimasuni illoqarfittut nunaqarfittulluunniit isigineqartuni angerlarsimaffinnit igitassanik suliffeqarfinnillu igitassanut assingusunik kommunalbestyrelsi katersuisitsisinnaavoq, matumani suliffiit, kantinat sutorniartarfiillu ilanngullugit eqqarsaatigalugit.

Imm. 2. Igitassat imm. 1-imi taaneqartut kommunalbestyrelsip nunaminertanit allanit katersortissinnaavai.

Imm. 3. Igitassatut isigineqartut tassaapput igitassat angerlarsimaffinni nalinginnaasumik pinngortartut, piniakkanit nammineq nerisassatut pisunit igitassat ilanngullugit.

Imm. 4. Igitassat naatsiivinneersut, igitassat uumasuutineersut aamma eqqagassat annertunerusut igitassanik nalinginnaasumik katersuinerrai ilaatinneqanngillat.

§ 8. Kommunilbestyrelsi illoqarfinni nunaqarfinnilu ukiumut ataasiarluni arlaleriarluniluunniit angerlarsimaffinnit eqqagassanik annertunerusunik igitassanillu kommunip aaqqissuusaanik saliisitsinikkut katersorneqarsimasunik katersuisitsisinnaavoq, tak. § 17.

§ 9. § 7 imaluunniit 8 tunngavigalugu kommunip aaqqissuussinera aallartinneqarpat, illuutilik, suliffeqarfik, suliffik il.il. sunaluunniit pisussaaffeqarpoq aaqqissuussineq atussallugu, tamatumunngalu akiliutigitinneqartussatut kommunalbestyrelsip aalajangersagaa akilissallugu.

§ 10. Immikkoortortani immikkuullarissuni aamma igitassat nalinginnaasumik eqqarneqartartut katersorneqarnerinik aaqqissuussinerit piumassuseq naapertorlugu peqataaffigineqarsinnaasut kommunalbestyrelsip allartissinnaavai.

Kapitali 4.

Atuisussaatitaaneq.

§ 11. Illuutillit, suliffeqarfiit, umiarsualiviit, suliffiit il.il. pisussaapput eqqavissatut kommunalbestyrelsimit innersuussutigineqartut atussallugit, tak. § 4.

Imm. 2. Imm. 1-imi taaneqartut piumasaqartoqarneratigut uppersassavaat igitassaatitik kommunalbestyrelsimip innersuussutai malillugit ilumut eqqarneqartartut.

§ 12. Kommunalbestyrelsimip suliffeqarfiit umiarsuliviillu naalackersinnaavai igitassat katitigaaneri pillugit paasissutissanik tamakkiisunik tunniusseqqullugit, taamaaliornikkut avatangiisit eqqarsaatigalugit illersorneqarsinnaasumik eqqaasoqarnera kommunalbestyrelsimit qulakkeerneqarsinnaaqullugu.

Imm. 2. Suliffeqarfiit umiarsuliviillu kommunalbestyrelsimip naalackersinnaavai igitassat passunneqarnerminni eqqarneqarnerminnilu avatangiisinut sunniutaat misissuiffiqullugit.

§ 13. Suliffeqarfiit umiarsuliviillu kommunalbestyrelsimip naalackersinnaavai igitassat immikkoortiteqqullugit, matumani igitassat immikkut ittut inatsisit allat tunngavigalugit eqqarneqartussat immikkoortiterneqarnerat ilanngullugu.

§ 14. Igitassat amerlassusiisa, katitigaanerisa suussusiisaluunniit annertuumik allanguuteqarnernerisigut igitassanik pilersitsisoq tamanna pillugu kommunalbestyrelsimut piaartumik nalunaaruteqassaaq.

Kapitali 5.

Nunaminertanik eqqiluitsuutitsineq.

§ 15. Igitassanik sunilluunniit nunaminertanut namminersortunit pisortanilluunniit pigineqartunut inissiisoqaraniluunniit eqqaasoqassanngilaq.

§ 16. Illuutillit, suliffeqarfiit, umiarsualiviit suliffiillu tamarmik pisussaaffeqarput illuutimik eqqaat illup isuanit sanimut 25 meterit angullugit imaluunniit illumut sanilerisamut ungasissutsip affaa tikillugu akuttunngitsumik saliisarnissamut. Illuutit pinnguarterfillit assigisaannilluunniit atortulersukkat eqqaat illumik piginnittumit aamma salinneqartassapput.

Imm. 2. Kommunalbestyrelsimip illuutilik aamma naalackersinnaavaa igitassat pineqartup illuutaaneersut peeqqullugit.

Imm. 3. Nunaminertat imm. 1-imi aamma 2-mi ilaatinneqanngitsut tamarmik kommunalbestyrelsimit salitsinneqartassapput.

Imm. 4. Illoqarfiit nunaqarfiillu iluini nunaminertani tamanit orninneqartartuni eqqaavinnik containerinillu eqqaaviusinnaasunik kommunalbestyrelsi ilioqqaatsitsisassaaq.

§ 17. Upernaat tamaasa aputip aattornerata kingorna kommunalbestyrelsi kommunimi nunaminertanik ataatsimoortumik inuinnartut pisortatigoortumillu saliinissaq taassuminngalu aallartitsinissaq pillugit nalunaarusiortassaaq.

Imm. 2. Imm. 1 tunngavigalugu kommunalbestyrelsimip nalunaarutaa ataatsimoortumik saniliinissap qanoq sivilutiginissaanik paasissutissanik imaqqassaaq. Saliineq illoqarfimmi nunaqarfinnilu

immikkoortukkaanut agguataarneqarsinnaavoq.

Imm. 3. Ataatsimoortumik saliineq kommunalbestyrelsip piffissaliullugu nalunaarutigisaata iluani ingerlanneqassaaq tunaartarisassat imm. 1-2-mi taaneqartut malillugit.

Imm. 4. Igitassat, eqqagassat annertunerusut taakkulu assigisaat angerlarsimaffinnit katersorneqartut periarfissaq taanna atorlugu kommunalbestyrelsip nalunaarutigisaatut aqqusinnermut qaninnerpaamut containerimulluunniit eqqaavissatut ilineqarsimasumut inissinneqarsinnaapput.

Kapitali 6.

Aalajangersakkat allat.

§ 18. Kommunimi illoqarfimmi nunaqarfinnilu katersuinissamik eqqaanissamillu aaqqissuussinerit pillugit maleruaqqusani raalittarisassat erseqqinnerusut kommunalbestyrelsimit aalajangersarneqassapput. Maleruaqqusat paasissutissanik makuninnga imaqaassapput:

- 1) igitassanut § 5-imi taaneqartutut ittunut eqqaanermut aaqqissuussinerit, matumani eqqaavinni ataasiakkaani igitassat suut tiguneqarsinnaanersut, taakkulu sumi inissisimaneri pillugit paasissutissat ilanngullugit,
- 2) igitassanut containerit atorneqarnissaat taakkulu sumi inissisimaneri,
- 3) kommunimi katersuinissamik aaqqissuussinerit,
- 4) ataasiakkaat eqqaavinnik karsinik imaluunniit eqqaavinnik puussialertakkanik ikkuisuinissaminnut pisussaaffii pillugit,
- 5) suliffimmi avatangiisit aamma passussinermi ajornartorsiutit pissutigalugit igitassat eqqarneqarnerini immikkut ittumik malittarisassaasinnaasut, aamma
- 6) kommunit igitassamik katersisarnermi aaqqissuussinerinik igitassanillu eqqagassamik tigooraanernik atuinermi akiliutit.

mm. 2. Maleruaqqusat nammineq piumassuseq naapertorlugu katersinernik aaqqissuinnermut tunngasunik aamma imaqartinneqarsinnaapput, tak. § 10.

§ 19. Illup ataatsip igitassaatai karsinut eqqaavinnut, eqqaavinnut puussialertakkanut imaluunniit containerinut eqqaavissianut illup qanitaanut inissinneqarsimasumut imaluunniit illumit atuisumit eqqaavilerisunullu ukioq kaajallallugu tikikkiminartumut inissinneqarsimasunut katersorneqartassapput.

Imm. 2. Kommunilbestyrelsip akuersissutigisinnaavaa karsit eqqaaviit eqqaaviilluunniit puussialertakkat inissinneqarsinnaasut immikkut illuaqqiani assigisaanniluunniit pisortat aqqusiniutaannut qaninnerpaamut imaluunniit pisortat aqqusiniutaasa illullu akorninut inissisimasunut.

Imm. 3. Eqqaaviit karsit, eqqaaviit puussialertakkat containerillu eqqavissiat ilusilersorneqarsimassapput imarisaat qimminit, tulukkanit assigisaannillu suneqarsinnaajunnaarsillugit.

Imm. 4. Igitassamik katersisarnerni aaqqissuussinnermut atatillugu kommunalbestyrelsip maleruaqqusamigut naalakkiutigisinnaavaa eqqaaviit karsit eqqaaviilluunniit puussialertakkat aalajangersimasut atorneqassasut. Eqqaaviit puussialertakkat atorneqarnissaat naalakkiutigineqarpat puussiat katersisarnermi aaqqissuussineq aqqutigalugu tunniunneqartassapput.

Kapitali 7.

Nakkutilliineq il.il.

§ 20. Igitassanik uninngatisineq assartuinerlu peqqinnissakkut avatangiisitigullu illersorneqarsinnaasumik aamma kommunalbestyrelsip kap. 6 malillugu aalajangersagai malillugit pisassaaq.

§ 21. Igitassat eqqaneqarnissaasa tungaannut igitassat passunneqarneri suulluunniit kommunalbestyrelsimit nakkutigineqassapput.

Imm. 2. Nalunaarummi matumani aalajangersakkat malillugit igitassat passunneqarnissaat eqqaneqarnissaallu qulakkeerniarlugit kommunalbestyrelsi inerteqquteqarsinnaallunilu naalakkiuteqarsinnaavoq.

Imm. 3. Nakkutilliinermi malittarisassanillu atortitsinermi Avatangiisit innarlitsaalineqarnissaannik Inatsisartut peqqussutaanni nr. 12-imi 22. december 1988-imeersumi Inatsisartut peqqussutaatigut nr. 7-ikkut 13. maj 1993-imeersukkut allangortinneqartumi kap. 4-mi aamma § 44, imm. 2-mi malittarisassat atuupputtaaq.

§ 22. Akornutaasinnaasut pinngitsoortinniarlugit kommunalbestyrelsip illuutillit, suliffeqarfiutillit, umiarsualiviit, suliffiit il.il. igitassanik uninngatitsineq, toqqortaarneq, orniguffissat, tunniussineq il.il. pillugit naalakkiuteqarfigisinnaallugillu inerteqquteqarfigisinnaavai.

Imm.2. Naalakkiummi ilaatinneqarsinnaapput eqqaavinnik puussialertakkanik karsinilluunniit eqqaavinnik amerlanerusunik pissarseqqusineq, igitassanik isugutattunik immikkut poortueqqusineq allatulluunniit pooqartitseqqusineq, orniguffinnik aputaajaaqqusineq il.il., eqqaavinnik akulikinnerusumik imaarsisaqqusineq assigisaallu.

§ 23. Nalunaarut manna tunngavigalugu aalajangerit tamarmik peqqinnissakkut nakkutilliisoqarfimmut ilisimatitsissutigineqartassapput.

Imm. 2. Nalunaarut manna tunngavigalugu maleruaqqusassiornerit allangortitsinerillu tamarmik Naalakkersuisunut ilisimatitsissutigineqartassapput.

§ 24. Nalunaarut manna malittarisassalluunniit allat taassuminnga tunngavillit tunngavigalugit aalajangiinerit tamarmik Avatangiisit innarlitsaaliorneqarnissaannik Inatsisartut peqqussutaanni nr. 12-imi 22. december 1988-imeersumi Inatsisartut peqqussutaatigut nr. 7-ikkut 13. maj 1993-imeersukkut allangortinneqarsimasumi kap. 10-mi malittarisassat tunngavigalugit naammagittaalliutigineqarsinnaapput.

Kapitali 8.

Pineqaatissiinermut atortuulersitsinermullu aalajangersakkat.

§ 25. Akiilisinneqarsinnaapput:

1) §§ 4-5-imi, § 9-mik, § 11-mik, §§ 14-15-imi, § 16, imm. 1, 3 aamma 4-mik kiisalu § 17, imm. 1-imi unioqqutitsisut,

2) § 6, imm.2, § 12, imm. 1 aamma 2, § 13, § 16, imm. 2, § 19, imm. 4, § 21, imm. 2 aamma § 22, imm. 1 malillugu piumasaqaatinik, naalakkiutinik inerteqqutinilluunniit sumiginnaasut, imaluunniit

3) § 18 tunngavigalugit malittarisassanik aalajangersarneqartunik unioqqutitsisut.

§ 26. Aktieselskabi, anpartsselskabi, andelselskabi assigisaalluunniit unioqqutitsisuuppat selskabi akiliisitaasinnaavoq. Namminersornerullutik Oqartussat, kommuni kommunilluunniit ataatsimut ingerlatseqatigiiffiat unioqqutitsisuuppat Namminersornerullutik Oqartussat, kommuni kommunilluunniit ataatsimoorlutik ingerlatseqatigiiffiat akiliisitaasinnaavoq.

§ 27. Nalunaarut manna atortuulersinneqarpoq 1. oktober 1993 aallarnerfigalugu.

Imm. 2. Piffissami ikaarsaariarfiusumi 31. december 1993-ip tungaanut igitassanik eqqaanermi ileqqoreqqusat manna tikillugu atuuttut atukkallassapput, tamatumalu kingorna atorunnaarsinneqassallutik.

Imm. 3. Kommunalbestyrelsilli ataasiakkaat Naalakkersuisunut innuttaminnullu siumoortumik nalunaaruteqaqqaarlutik kommunimi igitassanik eqqaanermi ileqqoreqqusat imm. 2-mi piffissaliunneqarsimasoq sioqqullugu atorunnaarsissinnaavaat.

Namminersornerullutik Oqartussat, ulloq 17. september 1993.

Ove Rosing Olsen

/

Torben Cordtz